

Schnägge-Lied

Text, komponiert und arrangiert:
Otto Röthlisberger und Willi Wälchli



Hilari isch für eus ne Sunndig,
säg jo nid, Du sigsch öppe müed!
Mir Wy-Buure feschte scho pfundig
und singe mit euch grad nes Lied:
Do lachet dr alt Ämmeschnägg: ha, ha
und frogt is: Sit er no zwäg?

Refrain

*Schnägge -, Schnäggehüüsli,
mir si scho fescht im Schuss!
Es freut is ou gar grüüsli,
es macht is ganz konfus!
Mir mache Higgi-Häggi-Hü
es Bombefescht bis morn am Drü!*

Am Schmutzige Donschtig gohts witer,
dr Umzug am Sunndig isch gross,
am Zieschtig dä wiess Doppelliter,
dä putze mer no uf der Stross!
Do lachet dr alt Ämmeschnägg: ha, ha
und frogt is: Sit er no zwäg?

Refrain

Am Äschermittwuch bisch dunge
ou d'Naase isch afe chly rot,
mir hei doch scho mängs Liedli gsunge,
do wird es halt einisch chli schpot!
Do lachet dr alt Ämmeschnägg: ha, ha
und frogt is: Sit er no zwäg?

Refrain

Jetzt göh mer halt wieder y d'Räbe,
mir schaffe und si nid verwöhnt.
Gar eifach isch s'Wy-Buure-Läbe,
äs mängs vom Rüggeweh stöhnt:
Do lachet dr alt Ämmeschnägg: ha, ha
und frogt is: Sit er no zwäg?

Refrain

Schnägge-, Schnäggehüüsli ...

*Mir mache Higgi-Häggi-Hü
Es Bombefescht bis morn am Drü!*